



BOSNA I HERCEGOVINA
FEDERACIJA BOSNE I HERCEGOVINE

GRAD ZENICA

Na osnovu člana 2. stav 1. tačka l) 2., člana 69. stav 2. tačka d) i 70. stav 1. 4. i 6. Zakona o javnim nabavkama („Službeni glasnik BiH“, broj 39/14, 59/22, 50/24), u otvorenom postupku za nastavak sanacije i asfaltiranja ceste kroz naselje Gnjuse u MZ Raspotočje, Gradonačelnik donosi:

**ODLUKU
o poništenju postupka javne nabavke**

Član 1.

Poništava se otvoreni postupak za nastavak sanacije i asfaltiranja ceste kroz naselje Gnjuse u MZ Raspotočje, iz razloga što nijedna zaprimljena ponuda nije prihvatljiva, a u skladu sa članom 69. stav 2. tačka d) Zakona o javnim nabavkama.

Član 2.

Za izvršenje ove odluke zadužuje se i ovlašćuje Služba kabineta Gradonačelnika.

Član 3.

Ova odluka objavit će se na web-stranici Grada Zenica, u skladu sa članom 70. stav 6. Zakona o javnim nabavkama.

Član 4.

Ova odluka stupa na snagu danom donošenja.

OBRAZLOŽENJE

Postupak javne nabavke pokrenut je Odlukom o pokretanju postupka javne nabavke broj: 02-11-18947/24 od 04.10.2024. godine. Obavještenje o nabavci broj: 1355-1-3-170-3-269/24 objavljeno je na Portalu javnih nabavki dana 04.10.2024. godine kao i u Službenom glasniku BiH broj: 69/24 od 11.10.2024. godine.

Procijenjena vrijednost za predmetnu nabavku iznosila je 350.200,00 KM bez PDV-a.

U krajnjem roku za dostavu ponuda, Ugovorni organ zaprimio je tri ponude: ponudu ponuđača „MGV GRADNJA“ d.o.o. Zavidovići, PD „KOMGRAD-ZE“ d.o.o. Zenica, „ŠPIC BETON“ d.o.o. Zenica koje su neprihvatljive, iz sljedećih razloga:

„MGV GRADNJA“ d.o.o. Zavidovići - Ugovorni organ Grad Zenica je objavio Izmjenu tenderske dokumentacije, broj: 11-11-18947-9/24 od 10.10.2024. godine u okviru koje je objavljen novi Obrazac za cijenu ponude – Aneks II, uz napomenu da su ponuđači dužni u ponudi dostaviti novi Obrazac za cijenu ponude – Aneks II i novi Predmjer radova; ukoliko ne dostave, takva ponuda biće odbačena u skladu sa članom 68. stav 4. tačka i) Zakona o javnim nabavkama.

Ponuđač „MGV GRADNJA“ d.o.o. Zavidovići nije preuzeo Izmjenu tenderske dokumentacije sa portala javnih nabavki, i nije dostavio novi predmjer radova u ponudi, odnosno Obrazac za cijenu ponude – Aneks II, zbog čega se ponuda ponuđača „MGV GRADNJA“ d.o.o. Zavidovići odbacuje u skladu sa članom 68. stav 4. tačka i) Zakona o javnim nabavkama.



BOSNA I HERCEGOVINA
FEDERACIJA BOSNE I HERCEGOVINE

GRAD ZENICA

PD „KOMGRAD-ZE“ d.o.o. Zenica - Tačkom 5.5. tenderske dokumentacije definisano je da su ponuđači dužni dostaviti garanciju za ozbiljnost ponude, jer se radi o predmetnoj nabavci čija je procijenjena vrijednost 350.000,00 KM bez PDV-a. Ponuđač PD „KOMGRAD-ZE“ d.o.o. Zenica propustio je dostaviti garanciju za ozbiljnost ponude u svojoj ponudi, zbog čega se ponuda ponuđača PD „KOMGRAD-ZE“ d.o.o. Zenica odbacuje u skladu sa članom 68. stav 4. tačka i) Zakona o javnim nabavkama.

„ŠPIC BETON“ d.o.o. Zenica - Kod ponuđača „ŠPIC BETON“ d.o.o. Zenica uočene su greške isključivo računске prirode. Ponuđaču je upućen zahtjev za potvrdom ispravki grešaka sa napomenom da ukoliko odbije potvrditi predložene ispravke u skladu sa članom 68. stav 4. tačka g) Zakona o javnim nabavkama, ponuda će biti odbačena i neće biti uzeta u dalje razmatranje pri bodovanju i rangiranju ponuda. Ponuđač „ŠPIC BETON“ d.o.o. Zenica u ostavljenom roku nije prihvatio ispravke računskih grešaka, stoga se njegova ponuda odbacuje, a u skladu sa čl. 68. stav 4. tačka g) Zakona o javnim nabavkama.

S obzirom na navedeno, Ugovorni organ poništava postupak javne nabavke u skladu sa članom 69. stav 2. tačka d) Zakona o javnim nabavkama.

POUKA O PRAVNOM LIJEKU

Protiv ove Odluke može se izjaviti žalba Uredu za razmatranje žalbi, putem Ugovornog organa: Grad Zenica, Služba kabineta Gradonačelnika, Trg BiH 6, 72 000 Zenica, u roku od 10 (deset) dana od dana prijema Odluke.

Žalba se podnosi u 3 (tri) primjerka, kako bi mogla biti uručena izabranom ponuđaču, Uredu za razmatranje žalbi i Ugovornom organu.

Žalba se podnosi neposredno Ugovornom organu u pisanoj formi.

Broj: 02-11-18947-3/24

Datum: 21.11.2024. godine

DOSTAVLJENO :

- 3 x Ponuđači
- 1 x Služba kabineta Gradonačelnika
- 1 x Tenderska dokumentacija
- 1 x a/a

